

سنه لکی در سعادت ایچون مجیدیه
یکرمی غروش حسابله التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

توقیفیه

آونه اولق ایستینلر دائره عدلیه ده
اداره مخصوصه سنه مراجعت
ایملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ابرتسی و چهارشنبه کونلری نشر اولنور. محتویاتی امور عدلیه متعلقدر

توقیفیات

سیواس ولایتی استیناف محکمه سی جزا دائره سی
ریاستی بتلیس ولایتی استیناف محکمه سی جزا
دائره سی رئیس سابق رفعتلو رشید بکه
وان ولایتی مرکز بدایت محکمه سی جزا دائره سی
ریاستی حلب ولایتی مرکز بدایت محکمه سی جزا
دائره سی رئیس سابق نجیب افندی به
قیصریه سنجانی بدایت محکمه سی مدعی عمومی
معاونلکی کوریجه سنجانی بدایت محکمه سی
مدعی عمومی معاون فرید افندی به
کوریجه سنجانی بدایت محکمه سی مدعی عمومی
معاونلکی لسقویک قضای بدایت محکمه سی جزا
دائره سی رئیس شریف نجاتی افندی به
لسقویک قضای بدایت محکمه سی جزا دائره سی
ریاستی مکتب حقوق شاهانه ماذونلرندن علی رضا
افندی به
ایمروز قضای بدایت محکمه سی ریاستی عدلیه
نظارت جلیله سی سجل قلمی کتبه سندن ومکتب
حقوق شاهانه ماذونلرندن مهدی افندی به تفویض
بیورلش ومومی الیهدن محاف اولیمان علی رضا
ومهدی افندیلرک علی الاصول امر تحلیفلی اجرا
قلنمشدر.

عدلیه نظارت جلیله سی مفتشک قلمی یاش کاتبی
سعادتلو کامل بکه ترفیعاً رتبه اولی صنف نایسی توجیه
بیورلشدر.

تجلیز و تحویل

مجدداً تشکیل بیوریلان مناسرت ولایتی محکمه
فوق العاده سی مستنطقلکنه ولایت مذکوره بدایت
محکمه سی سرمستنطق صالح وباش کتابته ده سرفیجه
سرمستنطق زکی افندیلر تعیین اولنمشدر.

تبلغات

زراعت بافقه سی مطلوباتی مقابلنده مرهون اولان
ایکی باب خانه سندن بشقه عهده سنده بولنان خانه نک
کسب قطعیت ایدن اعلامه مربوط دیگر دینک استیفا.
سی ضمنتده فروختی محکوم اولسنه قارشو بوخانه نک
مسکن شرعیسی اولدیغندن بخله کندوسنه ترکی بولنده
مدیون طرفندن وقوع بولان ادعانک شایان قبول اولوب
اولمادیغنی استفسارینه دائر انقره ولایتی استیناف
محکمه سی مدعی عمومی لکندن وارد اولوب انجمن
عدلیه به حواله قلنان ۴ نشرین اول سنه ۱۳۲۲ تاریخی
شقه اوزرینه بوکی اموال غیر منقوله نک فروختی حقنده
بدایه لاحق اولان اعلاناک مافوقی محکمه سنه مراجعتله
فسخ ونقضی اسبابنه توسل ایدیلرک اکتساب قطعیت
ایتمش اولدیغنی وتأخیر مزایده طلبی دخی املاک مذکوره.
نک بعد الوفاة تأمین دین ایتمیان مسقفات موقوفه دن
اولوبده حین اجرا ده مدیونک وفاقی ویاخود تسویه
دینه کافی اوچ سنه لک حاصلات صافیه سنک داینه ترکی کی
احوال حادثیه مبتنی اولمادیغنی صورتده قضیه محکمه
تشکیل ایدن اعلامات مذکوره نک بوبابده کی فقرات
حکمییه سنک تنفیذی لازم کله جکندن اکا کوره ایقای
مقتضای خصوصنک جواباً مذکور مدعی عمومی لکه
تبلیغی افاده قلنمشدر.

محاکمات مقدماتی

۵۵۰ نومرولی نسخه ده مندرج در سعادت

جنایت محکمه سی اعلانک مابعدی:

جانب ریاستدن اظهار حقه مدار اولق اوزره
محل وقوعه بولنش اولان مکتبی افندی ایله طلعت
بکک ودها بعض کسانک جلیلری تنسیب اولنورق
محاکمه یوم آخره بالتعلیق ۳۲۲ سنه سی نیسانک
یکرمی التجی چهارشنبه کونی متهم توقیفخانه دن
کتوردیلرک ووکیل ومعاون مومی الیهدن حاضر

اولدقاری حالد محاکمه سالوننه حقیقه رق محاکمه
علنیه به مداومت وهیئت محکمه جه تبدل وقوعندن ناشی
ضبط سابق قرائت وطرفین جانبندن مندرجاتنک
تصدیقنه مبادرت قلندی.

اظهار حقه مدار اولق اوزره جلیلری تنسیب
قلنانلردن اولوب ورود ایتدیکی خبرویریلان چکمه جه
صغیر قضای بدایت محکمه سی مدعی عمومی معاونی وکیلی
پولیس قومیسری قرق یاشنده خرپوتلی شوکت افندی
ابن احمد حضور محکمه به حقیقاریله رق طرفینه عداوت
وقرابت ومناسبتی اولمادیغنی اکلاشلقدن واطخارات
لازمه قانونیه ایفا قلندقدن صکره استماع اولنشدقه
وقعه کونی ساعت اون راده لرنده در سعادتدن مصری
کویتیه عودتنده وقعه یی خبر آغله محل وقعه به شتاب
وقادینلری استجوابنده تادینلرک کمال تلاش ایله بوراده
اولدی طیشاروده اورمشلر دیو سوبیلدکاری ائنده
اهالیدن بریسنک قاتل دیگر قپودن چیقدی کیدیور
دیمسی اوزرینه هان بالتعقیب یتیشوب ملتیدای دیهرک
سسلندکده دونوب باقسیله وکندوسی زده کیدیورسک
دیو صورسیله مرقومک جواباً مدعی عمومی وارمش
تسلیم اوله جغم دیدیکی ونه ایچون مغردیچی اوردک
دیوسؤالنده بنی اوره جق ایدی الندن بچانی آلم
اوموز یری ایله صول طرف قبورغه سندن اورددم دیو
اقرار جرم ایتدیکنی بیان ولدی الاستیضاح مغردیچک
مذکورخانه به آره صره کیدرکلور اولدیغنی ایشتیکنی
ومتهمک کلوب کلدیکی بیلمدیکی ومجروحک
الندن دوشدیکی بیان ایله بریچاق کتورلش ایسه ده
اوزرنده اتردم بولنوب بولنمدیغنی در خاطر ایدمه مدیکی
ومذکور بچانی ملتیدای به اراء ایتدیکنده مغردیچ
اوردیغم بچاق بودکلدر دیو سوبیلدیکی اتیان ایتدی.

متهم ملتیدای شهادت واقعه به دیه جکی اولمادیغنی
ومغردیچی جرح ایتدیکی بچاق ایله مغردیچک روولورینی
خانه ده بولنان قادیلرک قیویه آتدیغنی سوبلیدی.

اظهار حقه مدار اولق اوزره جلی تنسیب
واقامتکانه جلینامه تبلیغ قلنان طلعت بک ورود
ایتماش اولدیغندن مومی الیهدن برچاریک آلتون

جزای نقدی برای اخذ احضار ایدلسی وینه اظهار حق شاهی حمدی افندی به جلبنامه تبلیغ قلندینه دائر جوابه دسترس اولنه مامش اولدیغندن اکاده جلبنامه تسطیری جانب ریاستدن تسلیب و محل وقوعه ده کی قیونک تحریسلیه بجاق ویا روولور کی برشی بولنور ایه تسلیاری و نتیجه تحریک اخباری قومیسر شوکت افندی به تنبیه اولنورده محاکمه یوم آخره بالتعاقب مایسک اون بشنجی جمعی اترسی کونی متهم توقیفخانه دن کتورلدی وکیل و معاون مومی الیها حاضر اولدقلری حالد محاکمه صالونه حقیقه ادرق محاکمه علیه به مداومت اولدی .

ورود ایتش اولان اظهار حق شاهی مفری کوبنده ساکن قرق بش باشنده کریدلی طلعت بک بن عثمان حضور محکمه به حیقار یه ادرق طرفینه عداوت و مناسقی اولدیغی اکلشلدقندن و اخطارات قانونیه ایفا قلندقندن صکره استماع اولندقدن برکون ساقز آغاجی جهندن کچر ایکن بر آدمک النده بچاق ایه قوشمقدن بر شخصکده مرقومی تعقیب اتمکده اولدیغی کورده کندیسیده تعقیب ایدر ایکن النده بچاق بولان شخصکده وشدیکنی و قالدروب اجرائیه کتده ساری کورده کندیسیده کوبکند و او موزنده ودها بر محلدن اثر جرح مشاهده ایدوب کیم اوردی دیو صور دیغنده علقونک اوندن اجزاجی ملتسادی اوردی دیدیکنی واوراده طوران شخصدن استیضاح کیفیت ایتدیکندن مجروحک النده بچاق اولدیغی حالد علقونک خانه سندن حقیقنی و مذکور خانه نردبانک اوستده قسلی بر آدمک بولدیغی و قالدیرلرک فریاد ایتدیکنی مشاهده ایتسی اوزرینه تعقیب ایتدیکنی جوابی آلدیغی و فقط بو شخصک کیم اولدیغی بیلمدیکنی و بشقه معلوماتی اولدیغی یاد ایلدی .

محاکمه سابقه عدم ورودی اسبابی شاهد مومی الیهدن صورلدقده محکمه به کیش ایهده کیچ قالدیغندن و محاکمه نک تعلیق ایدلیدیکنی خبر آلدیغندن بوکون ایچون کله جگه دائر وضع امضا ایدرک کیتدیکنی سونکله و افاده سی موافق حقیقت اولغله معاون مومی الیهک مطالعه سی وجهله محکوم بولدیغی جزای نقدینک عقوبته قرار ویریلرک تفهیم ایلدی . چکجه صغیر مدعی عمومی معاونلکی و کالتندن بوکره مورد ضبط ورقه سی اوقوتدیرلدی مالی مأمورین مواجه سنده قیوجی یانی اون بش آرشون عمقده کی مذکور قیویه ایندیریلرک بر محیط اداره لی چنکل ایه یارم ساعت اجرا قتلان تحریرده برایی پارچه طاش چیقمش ایهده بچاق روولور کی برشی ظهور ایتدیکنی بیاندن عبارت بولمشدر .

قرائن اولان اوراقه نه دیه جکی تمهیدن صورلدقده بچاق وروولورک قیویه آلدیغنی کوردیکنی تکرار ایتدی . اظهار حق شاهی حمدی افندی به جلبنامه تبلیغ ایدلیدیکنه دائر یه جواب وروادیکندن مومی الیه تکرار جلبنامه تسطیری و اظهار حق مدار اولق اوزره بعض کیمسه لرک دها جلب واستماعی جانب ریاستدن تسلیب قلنورده محاکمه یوم آخره بالتعاقب جزیرانک سکنر نی کونی متهم توقیفخانه دن کتور دیلرک وکیل و معاون مومی الیها حاضر اولدقلری حالد محاکمه صالونه حقیقدی .

علی هذا محاکمه علیه به مداومت اولدی . اظهار حق حقه مدار اولق اوزره جلب ایدلش اولان بک اوغلنده آینه لی چشمه ده بیراجی یانینک آپارتماننده یازمچی فوطاکی زوجیه سی اوتوز سکنر یاشنده اسکدارلی اقربی بت لیغوراک ایه مذکور خانه ده خدمتی اون ارج یاشنده ادرنه لی اناسانه بت انسطاش برر برر حضور محکمه به حیقار یه ادرق طرفینه عداوت و قرائتلی اولدیغی اکلشلدقندن و اخطارات قانونیه اجرا قلندقندن صکره استماع اولندقلرند بولنورن اقربی وقعه کونی تخمیناً سکنر سکنر یچ راده لرند مقتول مغردیج بالورود والده سیله بیلرند کی مدینه دن بحث اتمکده لر ایکن خدمتی خریسی ایکی شیشه علاج ایه بالورود متهم ملتیدینک کلدیکنی سونکله یوقاری کلسون دیمی اوزرینه مرقوم اوطه به کلدیکندن مغردیجی کورر کورمر کفر اتمکله برابر سن بوراده میسک بنده سنی ارایور ایدم دیمسه مغردیجده آنک کی کفر ایدرک سنسک دیوب یکدیگرینه هجوم ایه اوطه دن چیقندقلرند قورقوسندن دوشوب بایلدیغی و بشقه معلوماتی اولدیغی یاد ولدی السؤال کرک متهمده وکرک مقتولده بچاق کورمدیک کی صورت قلیده مشاهده ایدلیدیکنی ایراد ایلدی .

اناستاسیه ده خانه نک اوست قاتی سپوررکن برکولتی ایشتمسلیه ایکنجی قاته ایندیکندن اقربینک بایلمش اولدیغی کورده ک صووقولونیا ایه آیتلیدیغی و بشقه معلوماتی اولدیغی بیان و عند الاستیضاح متهمک خانه به ورودندن خبردار اولدیغی و متهم ایه مقتولک سلاح طاشیوب طاشیمدقلر نی بیلمدیکنی اتیان ایتدی .

لدی السؤال متهم شهادت واقعه به دیه جکی اولدیغی سوبلیدی .

(بقیه سی کله جک نسخه به)

نوری یی بکرمی کوندن زیاده ایشندن قالور درجده جرح ایلدیکنی تبین ایدن تقسیمده ساکن محمد بن حسینک الی ماه مدله حبسنه و مصارف جراحیه ایه اجر مثل اولق اوزره یدی یوز التمش غروشک بالتحصیل مجروحه اعطاسنه طاش آتمق صورتیه اسماعیلک جاملر نی قیردنی تبین ایدن غلطه ده ساکن حسنک بش کون حبسیله برابر اون بشلک جزای نقدی اخذینه و اون غروش جام بدلنک استیفاسیله اسماعیله اعطاسنه احدی ضرب ایدن قالم پاشالی ابراهیمک برآی حبسنه و والده سی عایشه دن برآتون آلتوب مرقوم احمد اعطاسنه

باریکرجی احمدک یورکینک اموالنه ایراث خسار اتمکله مرقومدن اون بشلک جزای نقدی اخذینه و بدل خسار اولق اوزره یوز غروشکده بالتحصیل مرقوم یورکی به اعطاسنه

یانینک اموالنه ایراث خسار ایلدیکنی تبین ایدن غلطه ده ساکن یونانی آندوندن اون بشلک جزای نقدی اخذینه و جام بدلی اولق اوزره اوتوز غروشک بالتحصیل مرقوم یانی به اعطاسنه

اوشاق نسیمی ضرب و جرح ایدن اسکدارده ساکن علی بن حسینک اون بش کون حبسنه در سعادت بک اوغلی و اسکدار بدایت محاکمی جزا دائرله نجه قرار ویرلشدر .

الانکات

ایکنجی محکمه باریانه :

خاصکوبده قلفات محلدنه مقیم قلفات تجارتیه مشتعل ازاقلی اوغلی محمد افانک ۵ شباط سنه ۳۲۲ تاریخندن اعتباراً اعلان افلاسنه و مصالح افلاسنه نک رؤیت و تسویه سی ضمنده اعضا ملازمی رفعتلو یا قوا فندینک زورقومیسرو دعوی وکیللرندن ظرف اوغلی فوطاکی افندینک موقت سندیک تعییننه و مغازه سیله دپولرند کی اموال تجاریه و اشیا ی زانده بیتیه سنک تمهیرینه و اوراق و دفاترینک جلبه و کفالت مصدقه ارا نه ایده مدیکنی تقدیرده حبس و توقیفنه و بوباده کی قرارک موقتاً اجراسنه ایکنجی تجارت محکمه سنجه قرار ویرلش اولدیغندن سندیکلر انتخاب اولفق اوزره ۳۲۲ سنه سی شاطنک اون طقوزنجی بازار اترسی کونی ساعت الی راده لرند اصحاب مطلوبک محکمه مذکورده نک مصالح افلاسنه رؤیتنه مخصوص اوطه سنه کلری اعلان اولنور .

غلطه ده آتیه بانقه سی اتصالیانده و بک اوغلنده جاده کیرده ۴۰۷ نومرو لی مغازه ده مقیم اولوب ترزلیک تجارتیه مشتعل استایومانده لیدیسک ۷ شباط سنه ۳۲۲ تاریخندن اعتباراً اعلان افلاسنه و مصالح افلاسنه نک رؤیت و تسویه سی ضمنده اعضا محکمه دن سعادتلور ضایک زورقومیسرو دعوی وکیللرندن رسائی وروپن پاپاسیان افندیلرک موقت سندیک تعیینلرینه و مغازه سیله دپولرند کی اموال تجاریه و اشیا ی زانده بیتیه سنک تمهیرینه و اوراق و دفاترینک جلبه و کفالت مصدقه ارا نه ایده مدیکنی تقدیرده حبس و توقیفنه و بوباده کی قرارک موقتاً اجراسنه ایکنجی تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولفق اوزره ۳۲۲ سنه سی شاطنک اون طقوزنجی بازار اترسی کونی ساعت الی راده لرند اصحاب مطلوبک محکمه مذکورده نک مصالح افلاسنه رؤیتنه مخصوص اوطه سنه کلری اعلان اولنور .

در سعادتده بالقی بازارنده طاشچیلرده نومروسز دکانده بینرچلیک تجارتیه مشتعل اسرائیل اسرائیلدینک ۷ شباط سنه ۳۲۲ تاریخندن اعتباراً اعلان افلاسنه و مصالح افلاسنه نک رؤیت و تسویه سی ضمنده اعضا محکمه دن عزتلو صادق بک زورقومیسرو دعوی وکیللرندن یادکار اوغلی پاولاکی و میخالاکی نیقولاییدی افندیلرک موقت سندیک تعیینلرینه و مغازه سیله اموال تجاریه و اشیا ی زانده بیتیه سنک تمهیرینه و اوراق و دفاترینک جلبه و کفالت مصدقه ارا نه ایده مدیکنی تقدیرده حبس و توقیفنه و بوباده کی قرارک موقتاً اجراسنه ایکنجی تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولفق اوزره ۳۲۲ سنه سی شاطنک بکرمی ایکنجی بخشینه کونی ساعت الی راده لرند اصحاب مطلوبک محکمه مذکورده نک مصالح افلاسنه رؤیتنه مخصوص اوطه سنه کلری اعلان اولنور .

بک اوغلنده تونل جوارنده ۴ نومرو لی مغازه ده مقیم تجاردن ترزی و قاشچی هانزی و شرکاسنک ۸ شباط سنه ۳۲۲ تاریخندن اعتباراً اعلان افلاسنه و مصالح افلاسنه نک رؤیت و تسویه سی ضمنده محکمه اعضا ملازمی رفعتلو یا قوا فندینک زورقومیسرو دعوی وکیللرندن حسن خیری بکه بروانت بجدیان افندیلرک موقت سندیک تعیینلرینه و مغازه لر یله دپولرند کی اموال تجاریه و اشیا ی زانده بیتیه لرینک تمهیرینه و اوراق و دفاترینک جلبه و کفالت

مصدقه ارا نه ایده مدیکنی تقدیرده حبس و توقیفلرینه و بوباده کی قرارک موقتاً اجراسنه ایکنجی تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولفق اوزره ۳۲۲ سنه سی شاطنک بکرمی ایکنجی بخشینه کونی ساعت الی راده لرند اصحاب مطلوبک محکمه مذکورده نک مصالح افلاسنه رؤیتنه مخصوص اوطه سنه کلری اعلان اولنور .

ایاصوفیه ده دولی اوغلی بقوشنده ساکن ایکنجی تجارت محکمه سندن افلاسنه حکم اولمش اولان قصاب اصنافندن مولود افندیلرک دمتنده آله جغنی اثبات و یا موقتاً قبول و قید ایتدیرمش اولان آله جقلولرک قانوننامه تجارتک ۲۱۱ نجی و آتی ولی ایدن ماده سی موجبجه مفلس طرفندن تکلیف اولنه جق قوتقوردا تونک مذاکره سی ایچون (۱۴) شباط سنه ۳۲۲ (چهارشنبه کونی محکمه مذکورده نک مصالح افلاسنه رؤیتنه مخصوص اوطه سنه کلری اعلان اولنور .

امومات شرعی امرار دانه سنه :

متوفی محمد آصف پاشا وره سنک عزتلو محمد علی بک دمتنده با اعلام شرعی الجغنی اولان مبالغ معلومه نک تأمین استیقای ضمنده مدیون مومی الیهک عهده سننده اولوب اشبو دینی مقابلنده مرهون و فروختی محکوم بولان قاضی قره بنده زهدی پاشا محله سنده تحته کورری زفاننده واقع الی نومرو ایه مرقم مقاطعه لو وقف اولوب بالجه ایه نی و اشجاری ملک بولان اوست قاتده ایکی اوطه و برصفه و آلت قاتده برکیلار و براوطه و برمطخ و سائر نه مشتمل مع باغچه برباب ملک منزل بوندن اول لدی المزایده لبرای عثمانی یوز غروشدن اون بریک غروش بدل ایه طالی اوزرندن تقرر ایتش اولدیغندن یوزده بش ضم ایه بوندن زیاده به طالب اولانلرک و اطرافلیجه معلومات المق ایستیلرک اشبو تاریخ اعلاندن اعتباراً اوتوز برکون طرفنده در سعادت اعلامات شرعیه اجرا دائرته مراجعت ایلری صوک دفعه اوله رق اعلان اولنور .

طربزنده تجارت محکمه سنه :

طربزنده میدان شرقیده مانیفاطوره تجاردن طاغستانی علی بک زاده خلیل بک غیوبت و تعطیل تأدیات ایلنه مینی قانون تجارتک یوز النجی ماده سنه توقفاً ۸ کانونانی سنه ۳۲۲ تاریخندن اعتباراً اعلان

افلاسنه و مصالح افلاسنه نک رؤیت و تسویه سی ضمنده اعضا محکمه دن فضیلتلو حاجی ابراهیم جودی افندیلرک زورقومیسرو دعوی وکیللرندن رفعتلو مدحت و سقراطی افندیلرک موقت سندیک تعیینلرینه و تجارتکاهیه اوراق و اشیا و دفاتر موجوده سنک بالتهمیر محافظه آتیه آلمسنه طربزون تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی وجهله دائمی سندیک انتخابی ایچون شهر حال رومینک بکرمی یدنجی جمعی اترسی کونی ساعت یدی راده لرند اصحاب مطلوبک محکمه مذکورده نک مصالح افلاسنه رؤیتنه مخصوص اوطه سنه کلری اعلان اولنور .

طربزنده مقیم طریق وسائر متعه دلرندن قیر علی اوغلی حسن افندیلرک تعطیل تأدیات ایلنه مینی قانون تجارتک یوز النجی ماده سنه توقفاً ۱۹ کانونانی سنه ۳۲۲ تاریخندن اعتباراً موقتاً اعلان افلاسنه و مصالح افلاسنه نک رؤیت و تسویه سی ضمنده اعضا محکمه دن یروانت افندیلرک زورقومیسرو دعوی وکیللرندن مرجانیان دبقران افندیلرک موقتاً سندیک تعیینلرینه و اموال و اوراق و اشیا و دفاتر موجوده سنک بالتهمیر محافظه آتیه و کفیل ارا نه ایده مدیکنی حالد کوز حبسنه آلمسنه طربزون تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی وجهله دائمی سندیک انتخابی ایچون شهر حال رومینک بکرمی طقوزنجی بازار اترسی کونی ساعت یدی راده لرند اصحاب مطلوبک محکمه مذکورده نک مصالح افلاسنه رؤیتنه مخصوص اوطه سننده تشکیل ایدن ماسیه کلری اعلان اولنور .

النه تجارت محکمه سنه :

اطنه ده صاج بدستاننده مانیفاطوره تجاردن جولاقیان کراغوصک اعلان افلاسنه و مصالح افلاسنه نک رؤیت و تسویه سی ضمنده اعضا محکمه دن رفعتلو باندلی افندیلرک زورقومیسرو دعوی وکیللرندن یورغاکی شیکاریدیس افندیلرک موقت سندیک تعیینلرینه و مغازه سیله اشیا ی زانده بیتیه سنک تمهیرینه و اوراق و دفاترینک جلبه و کفالت معتبره ارا نه ایده مدیکنی تقدیرده حبس و توقیفنه و بوباده کی قرارک موقتاً اجراسنه اطنه تجارت محکمه سنجه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولفق اوزره ۳۲۲ سنه سی شاطنک سکنر نی بخشینه کونی ساعت الی راده لرند اصحاب مطلوبک محکمه مذکورده نک مصالح

افلاسیه رؤیتنه مخصوص اوطه سنه کلری اعلان اولنور .

اطنه ده چارشوی کیرده البسه وقاش تجارتیه مشغول ایکن اطنه تجارت محکمه سندن افلاسنه حکم ایدلمش اولان ترزی آرسن نجاریان وقره بت دلایان ذمتنه الهجفی اثبات ویا موقتاً قبول وقید ایتدیرمش اولان الهجق لولرک قانوننامه تجارتک ۲۱۱ نجی و آئی ولی ایدن ماده سی موجبجه مفاس طرفندن تکلیف اولنه جیق قونقورداتونک مذاکره سی ایچون ۳۲۲ سنه سی شباطک اون یدنجی جمعه ایرتسی کونی محکمه مذکورنک مصالح افلاسیه رؤیتنه مخصوص اوطه سنه کلری اعلان اولنور .

کدایک بدایت محکمه سی تجارت قسمنه :

آدام برادرلر شرکاسندن کلکیده کی دیرکتوری وشریکلری بولسان قره مانلی صوا ایله کوچوک تئولغوچی ودرعلیه ده مغازه ده کی آدام خرستوستوموس و بیوک تئولغوچی وواسیلک ۱ شباط سنه ۳۲۲ تاریخده اعلان افلاسلرینه و مغازه لرده کی اموال و اشیا و دفاترینک تمهیرینه و کندولرینک اصولاً حبسلرینه و اعضای محکمه دن عزتلو غالب بکک ژورقومیسر و دعوی وکیلرندن یوان و قاپلانیدی افندیلرک موقت سندیک تعیینلرینه اجرای موقته قرار ویرلمش ایدوکی کلیمک قضاسی بدایت محکمه سی تجارت قسمندن اعلان اولنور .

آدام برادرلر شرکاسندن کلکیده کی مغازه ده کی صوا اناسیادیس و کوچوک تئولغوچی نیقولائییدیس ایله درعلیه ده بالقی بازارنده مغازه لرنده مقیم آدام ولد خرستوستوموس ولد آدام ایله تئولغوچی خره لامیدیس وقاصه دارلری واسیل نام کسنلرک کلیمک بدایت محکمه سی تجارت قسمندن ۱ شباط سنه ۳۲۲ تاریخده اعلان افلاسلرینه قرار ویرلمش اولدیغندن قانون تجارتک ۱۷۰ نجی ماده سی احکامنه توفیقاً الهجقلرینی قید ایتدیرلرک دائمی سندیکلرک نصب و تعیینی ضمتنه مفلسون حرقومونک ذمتلرنده الهجقلری اولانلرک شهر حال رومینک اون ایکنجی بازار ایرتسی کونی کلکیده بلدییه جوارنده کائن افلاس معاملاتنک ایفاسنه مخصوص اوطه ده حاضر بولملری اعلان اولنور .

محکمہ کبیر قضاسی بدایت محکمه سی اصرا داره سنه :

بیوک چکمهجه قضاسنه تابع چقور بوسنه چفتلکنک ۳۲۲ سنه سی اعشار ماترزی حاجی مصطفی

افندی زاده علی بکک اعشار مذکور تقاسیطندن بیوک چکمهجه مال صندوقه دینی بولسان ایکلیک بشیوز یکریمی درت غروش اون پاره نک وعده نظامیه سی کذار ایتدیکی حالده هنوز تسلیم صندوق ایدلماش اولدیغندن تأمین تسویه سی ضمتنه مدیون مومی الیهک مشهور و متعارف اولان مذکور چقور بوسنه چفتلکی اراضیسندن اوچ حصه اعتباریه متصرف اولدینی بر حصه سنک اشبو تاریخ اعلاندن اعتباراً اون بش کون صکره بالمزایده فروخته تشبث اولنه جفی بیوک چکمهجه قضاسی بدایت محکمه سی اجرا دائره سندن اعلان اولنور .

بیوک چکمهجه قضاسنه تابع اسکیمجه و حیرت کوی وقره اغاج چفتلکلرله قره اغاج قریه سنک ۳۲۲ سنه سی واردات عشریه سی ماترزی قصبه مذکور دلی ظفیری چورباجی اوغلی دیمترو و کفیل برادری صوفقونک اعشار مذکور تقاسیطندن بیوک چکمهجه مال صندوقه دینی بولسان التلیک اوچوز اوتوز بش غروشک تأمین تسویه سی ضمتنه ماترزی مرقوم دیمترو ایله کفیلی صوفقونک پدرلری متوفی ظفیری چورباجینک قضاء مذکور داخلنده مشهور و متعارف کشلی وارنبود چفتلکلری اراضیسندن اوچ حصه اعتباریه متصرف اولدینی بر حصه سنک بعد الوفا ورئه سنه انتقال ایدن درت حصه اعتباریه مرقومان دیمترو و صوفقونک برر حصه سی و فرونلرنده بولسان بر عدد بوزوق بغدادی قالبوری ماکنه سی حیز آلتیه ایدرلمش اولدیغندن اشبو تاریخ اعلاندن اعتباراً مذکور ماکنه نک اوچ کون صکره و حصه مذکورنک ده اون بش کون صکره فروخته تشبث اولنه جفی بیوک چکمهجه قضاسی بدایت محکمه سی اجرا دائره سندن اعلان اولنور .

بیوک چکمهجه قضاسنه تابع موچه قریه سی و چفتلکی ایله وقف ترلارینک اوچوز یکریمی ایکی سنه سی واردات عشریه سی ماترزی بیوک چکمهجه قصبه سی اها لیسندن طاهر افندی زاده فائق افندینک اعشار مذکور تقاسیطندن قضاء مذکور مال صندوقه دینی اولان التی بیک درت غروش اون بش پاره یی وعده نظامیه سی کذار ایتش اولدینی حالده هنوز تسلیم صندوق ایتامش اولدیغندن تأمین تسویه سی ضمتنه مدیون مومی الیهک پدری متوفی طاهر افندینک ارنائاً منتقل بیوک چکمهجه قصبه سی مرعاسنده کریچلک موقعنده بر قطعه باغ و کره میدخانه موقعنده اون سکره دونم براولک بر قطعه ترلا واوزون چایر موقعنده ایکی دونم چایر وکله موقعنده اوتوز دونم براولک

ترلا وچاشور درده قرق طقوز دونم ترلا وینه موقع مذکورده التمش دونم ترلا ووقچکنه موقعنده یکریمی ایکی دونم ترلا وینه موقع مذکورده یکریمی ایکی دونم ترلا وقضاء مذکورده تابع منجکره قریه سنه آئی ایلیا موقعنده اون یدی دونم ترلا وکول یولی موقعنده قرق ایکی دونم چایر ودره یولی موقعنده اوتوزالتی دونم ترلا وپولایه قریه سنه مقابر مسامین موقعنده اون درت دونم اوچ اولک ترلا وچایر وباغده اولان اوچ حصه اعتباریه بر حصه سی حیز آلتیه ایدرلمش اولدیغندن اشبو تاریخ اعلاندن اعتباراً اون بش کون صکره حصه مذکورنک فروخته تشبث اولنه جفی بیوک چکمهجه بدایت محکمه سی اجرا دائره سندن اعلان اولنور .

سلوری قضاسی بدایت محکمه سی اصرا داره سنه :

سلوری قضاسنده قرای معلومه نک ۳۲۲ سنه سی اعشار ماترملرندن سلوری قصبه لی میطاقو اوغلی خرستاکینک تقاسیطندن سلوری مال صندوقه اولان دیون معلومه سنک تأمین استیفاسی ضمتنه محجوز و مزایده علنیه سی اجرا قلنان بیغاودی قریه سنه طرفلری طریق وطناشی و طریق کیر ایله محدود بر باب مغازه اوچیک غروشه وینه قریه مذکورده طرفلری یورکی و طودوری و طریق ایله محدود بر باب صمانلق ایکلیک بشیوز غروشه و سلوری جوارنده بادم یقوشنده طرفلری انسطاشاکی و مرعی و عزت و اسعد بکک و طریق ایله محدود بر قطعه ترلا درتیک غروشه وینه سلوری مرعاسنده فتح کوی یولنده طرفلری آلیناق حاجی سرکز و آرون و یول و حسن اغا و احمد اغا ترلارله محدود یکریمی دونم بر قطعه ترلا التیوز غروشه و سلورینک اخلامور یولی موقعنده طرفلری کوسه انسطاش و میلتی و غنکلکی چورباجی و یول ایله محدود بر قطعه ده التی دونم ترلا درتیوز التی غروشه و سلورینک قاسم پاشا محله سنه طرفلری ابراهیم اغا خانه سی و قوچی باشی و حسن دایی و راسم و طریق ایله محدود مع باغچه و مشتملات بر باب ملک خانه اوچیک بشیوز غروشه طالبلری عهده سنه اولوب موقت قراردادلری چکلمش اولدیغندن اشبو تاریخ اعلاندن اعتباراً اوتوز برکون ختامنده احاله قطعیله لری اجرا قلنمق اوزره یوزده بش ضم ایله بوندن زیاده طالب اولانلرک سلوری قضاسی بدایت محکمه سی اجرا دائره سنه مراجعت ایللری اعلان اولنور .